

318.

Schreiben des Bischofs Adolf von Merseburg an Herzog Georg, worin er sich erbietet vor dem Herzoge gütliche Verhandlung mit der Universität wegen seiner Irrungen über die von derselben erlangten, seinem Stifte nachtheiligen päpstlichen Privilegien zu pflegen. Merseburg, 1519 Juli 23.

5 Hdschr.: Or. Pap. Hauptstaatsarchiv Dresden, Universität, Raths und andere Händel 1367—1537 loc. 10532 fol. 457.

Unnser freundlich dinst zuvor. Hochgebornner furst, lieber herr und | ohme.
Wir haben glaubwürdigen bericht entpfangen, wie das die universitet | zu Leipzck bey
bebstlicher heyligkeyt etzliche privilegia ausgebracht, die unns von wegen | unnser
stieffts in keynem wege leidtlich sonnder gantz abtreglich, derwegen wir dan hirzu ent-
10 gegen bey bebstlicher heyligkeyt auch briefe außgericht, domit wir gemelte universitet
haben ersuchen unnd ynen vorkundigen lassen. Wue nuhe sich des gegen euer lieb eh-
gemelte universitas ubir unns mit beschwerde beclagenn wurde, nachdeme wir dieselbigen
brieffe nicht aus einem vordriess nach mutwillen, sonnder zu erhaltunge unnd rettunge
unser stieffts gerechtigkeit, dozu wir dann uff yr anheben geursacht sein erlanget, ist
15 hirumb unnser freundlich bethe, euer lieb wollen unnser furnehmens keyn ungefallenn
tragen in ansehunge, das wir erbotig, so euer lieb zwuschen unns und gedachter uni-
versitet geliebet derhalben gutlichen zu handdeln, dieselbte vonn euer lieb zu geduldenn.
Das wollten wir euer lieb, der wir freundlich zu dienen in allewege gevliessen unnd
willigk, nicht vorhaltenn. Gebenn zu Mersburgk freytags nach Iacobi anno 2c. XIX.
20 Vonn gots gnadenn Adolff bischoff zu Mersburg, furst zu Anhaltt 2c.

319.

Projekt zu einem Vergleiche, welchen Herzog Georg zwischen dem Bischof Adolf von Merseburg einerseits und der Universität andererseits, betreffend das vom Papste Leo der Universität ertheilte Privileg wegen des Subconservators, der Succession ab intestato und des Gerichtszwanges, 25 errichtet hat. [1519.]

Hdschr.: Sehr schlecht und theilweise unleserliches, auch unvollendetes Concept Hauptstaatsarchiv Dresden loc. 10538.

Als sich zwischen dem erwirdigen in gott vater unserm besondern liben ohemen,
hern Adloffen bischoven zcu Merseburgk, fursten zcu Anhalt 2c. an eynem, und den
wirdigen hochgelerten unsern liben andechtigen und getrawen rector, magistris und
30 doctorn unser hoenschule zcu Leyppzigk am andern teyle, eynes privilegii halben, zo ge-
dachte rector, magistris und doctores bestympter unser universitet bey bebstlicher heyfig-
keyt angepracht und sunderlich dreyer artigkel halben irrungen gehalten, nemlich deß
subconservatoris, der succession ab intestato und deß gerichtszwanges halben, und zo
dann der rector, magistris und doctores bestympter unser universitet sich offintlich vor
35 unß haben horen lassen, das sie solch privilegium obbemeltem unsern beßundern liben
frund und ohem von Merseburgk nach auch seyner libe nachkomen nicht zcu schaden,